

加潤澤惠懷衆生

五願星辰與日齊光轉燭照耀朗映十方各

安其位經緯自行保鎮家國無有災傷四

海寧一普天興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結蒸聚煙飛空高澄蔭覆玄玄隱

則無為散則彌天神仙同居結友衆真惠

流一切與國愛民普濟群生人同劫年

八願風雨流灑無窮善加施泄受其發揚萬

物滋生國儲民豐

九願五嶽各安其方巍巍包藏長為仙宮安

鎮國祚保天无終護度一切莫不仰宗

十願江海蕩蕩无極舍容恢廓无細不植淵

奧柔惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚

兆庶稱慶長樂未央

十二願蜎飛蠢動已生未生成蒙安全普得

生成皆見元氣受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當今臣

午朝行道之所自然生金液丹碧芝英百靈

衆真交會在此香火爐前今臣等學道得道

求仙得仙齊主受福幽顯霑恩十方仙童玉

女接待蘭煙傳臣向來所啓之誠速達徑御

太上无極大道至真玉皇上帝御前

出堂頌

引至幕

謝師

靈寶領教濟度金書卷之二百二

靈寶領教濟度金書卷之二百三

洞微高士開光教苦真人審金具校

靈寶通玄弘救水南先生林重真編

科儀立成品保命齋用

晚朝行道儀

燒香頌

各禮師存念如法

衛靈

五星高耀 瑞炁飛浮 元始集神 天地交周

玉符寶節 彌命微幽 擲火揚威 仗凶無留

萬魔揆伏 紛葩却消 摧怪伐惡 道炁周流

神光照夜 陰翳俱收 萬仙降格 扇景乘颿

群生咸遂 惠遍神州 和與道合真

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里城真官正神急上關啓臣今奉為入

意以今晚朝陞壇行道願得

玉清道悉靈寶妙炁下降流入臣等身中即
使玄壇清淨內外成具天无氛穢地絕秋塵
琳琅振響十方肅清萬魔不干真誠上徹令
臣所啓之誠速達俾御

太上无極大道至真玉皇上帝御前

請稱法位

具位臣某與臨壇官眾等謹同誠上啓

太上无極大道虛無自然元始天尊太上道
君太上老君昊天玉皇上帝太微天皇大帝

紫微太皇大帝后土皇地祇九天採訪真君

三洞四輔經錄高真三元三官大帝北極四

聖真君落教宗師侍宸仙眾天符帝師威分

王神五瘟氣候行化威靈天瘟地瘟神君山

瘟家瘟神君并瘟靈瘟神君陽瘟陰瘟神君

五瘟部從隊伍神眾天曹主執五瘟神眾

府主執五瘟神眾當境主執五瘟神眾今年

某季準天敕令行災主病一切神明本府本

縣城隍主者遠近廟貌權衡禍福聖眾虛空

鑒察希望隨喜聖眾臣聞職履職載疑祖炁

之輝華分陰分陽胤神功之煥耀愛日融怡

於九執仁風鼓舞於八圓執非元始之綱維

曾自虛皇之主宰上界足官爾羅仙聖以承

符下域定曹僚列神靈而宣德扶持萬姓保

合群生調化瑟而消災沴之時行策玄機而

誠姦慝之畫舞恩靈動植澤被寰瀛臣等心

未鈞玄髮先彫白紅埃歷歷莫培黎藁以生

春白日悠悠徒企松筠之耐歲抱金書而勵

志懷玉訣以驚心悔過慮天夙炳丹青之誓

立功濟物盡救金石之盟凡有皈投敢忘關

告况恭詞旨敢不上聞

宣詞

按如詞言忱恂激切齋主其身之二三之善

運逢九六之災細雨斜風初刺皮毛而致異

和寒蘊熱終繁蔽府以非常罔明虛實於百

關莫辨浮沉於六脉奉奉聖禱切切神著尚

綿歷於朝昏未還舊觀慮牽延於旬浹復墮

危機幾洗心而九思惟拊躬而三省或運限

照臨於威曜或身家蘊結於深愆或犯天地

行令之威神或觸山川運時之蓋炁或災原

於井落或難起於親隣倘非請命於帝座為

俾全生於民室爰崇玉陛肆衍金科青炁白

雲溢玄虛而縹緗絳霞丹霧盈碧落以續紛

寶花四雨以迎祥鈞樂九成而薦瑞龍旂鳳

葆鳴闐闐清蹕之音虬節鸞旌擁浮黎紫霄

之仗觀天顏於翠屐敷民欲於珠壇濟濟駕

行勤勤虎拜願沛天人之澤爰均家國之休

以今晚朝行道請法眾等運茲初檢上香

願此香煙騰空徑上供養

无上至真道寶天尊巨等皈身皈神皈命首

體投地仰依

太上三尊十方眾聖願以是功德上祝

皇帝陛下伏願八駿開道六龍御天如日如

雲仰巍巍之盛德若帶若礪拱奕奕之丕基

福源滄東海之深壽域聳南山之固宮庭雍

肅凝甘露於萬年朝野熙和耀景星於五夜

今故燒香自皈依

師尊大聖眾至真之德得道之後保天長存

和與道合真

以今晚朝行道請法眾等運茲二檢上香

願此香煙騰空徑上供奉

无上至真經寶天尊臣等皈身皈神皈命首
體投地仰依

太上三尊十方衆聖願以是功德皈流普天
舉上百姓四民伏願萬福雲臻千殃電掃紫

赤鷄蓬茅之旦玉燭調時霏煙融桑梓之春
金穰應運逢泰和於萬宇掃屯戾於千門士

農工商咸遂有生之樂尊卑老少共消无妄
之災今故燒香自皈依

師尊大聖衆至真之德得道之後升入无形
和與道合真

以今晚朝行道請法衆等運茲三捨上香
願此香煙騰空徑上供奉

无上至真師寶天尊臣等皈身皈神皈命首
體投地仰依

太上三尊十方衆聖願以是功德歸流齋主
某伏願天佑生根神扶命蒂鼎新革故光風

拂拂於簾櫳否去泰來霽月輝輝於庭戶步
武擁泰來之慶精神無小節之災上恬下熙

映祥光於眷序內和外輯散瑞藹於姻親今

故燒香自皈依

師尊大聖衆至真之德得道之後永保安寧
和與道合真

禮方 儀方

三啓 三禮

重稱法位

具位臣某謹重誠上啓

三清上聖十極高真九天採訪真君三界內
外應感真靈天符帝帥咸分王神五靈氣候

一切威靈臣聞六甲潛移五行變化悉或先
而或後周御歲時運有變而有常列司天地

配支干以明符會定主客以建本標辨二火
之君臣分六步之正間上循天度下合人身

進退紀勝復之期大小察營發之兆儻天彰
於災異則人受於札瘥故金石草木之性味

有殊而俞穴井榮之注源無別除命之異扶
悉之偏雖期策於神功實昭押於帝力今齋

主某業惟弱已識昧檢身惟知雞犬之當求
放心弗收因念兔烏之暗老善性難常三田

雲擾於三彭二炁雷存於二豎善不足以餘

慶和不足以致祥七情內攻六淫外孽致奇

疾纏其經絡而況病因其精神雖陰陽之寇
使然實身心之德致爾願天徹切惟知首過

以省愆鑿帝凌統所冀祈恩而降福願頒丹
詔飛下紫虛移名青簡之中削字黑編之上

敕天醫仙吏降九運靈劑以錫病勒時令正
神收五部妖氛而退疾俾起居之復舊使榮

衛之如初金符羅銀於八維表章疆域玉宇
周宣於四界分別方隅未無魔癘之侵常草

牙嘉之盛春融庭院臺天之樂意相關日暖
鄉間福地之歡聲不斷萬生銘佩浩劫戴衝

上頌地紀晏清天網澄御璇璣煥耀河漢輝
華霽犢雨於九垓農桑並秀息狼烽於四鄙

兵革不揚朝富賢人野無逸士百昌庶類悉
融生意於虛玄六趣九幽普絕苦聲於寥廓

則上明
天尊布大慈之化下副臣等皈命之誠謹啓
以聞

發願

一願大道流行普天懷德

二願一切有生咸皆悟道
 三願九夜幽魂一時解脫
 四願孤爽無依咸得受生
 五願天下太平五穀豐熟
 六願臣忠子孝君仁父慈
 七願四海會同冤親和釋
 八願階胞處卵咸得生成
 九願積疾新痾旋即痊愈
 十願孤露衆生豐衣足食

存神燒香

香官使者左右龍虎君侍香諸靈官當令臣
 晚朝行道之所自然生金液丹碧芝英百靈
 衆真交會在此香火爐前令臣等學道得道
 求仙得仙齋官受福幽顯霑恩十方仙童玉
 女接侍蘭煙傳臣向來所啓之誠速達徑御
 太上无極大道至真玉皇上帝御前

出堂頌

引至幕

謝師

靈寶領教濟度金書卷之二百三

靈寶領教濟度金書卷之二百四

洞微高士開光救苦真人寶金具投

靈寶通玄弘教水南先生林曹具編

科儀立成品

禳瘟疫醮儀

步虛 灑淨

衛靈

五星列照 煥明五方 水星却災 木德致昌

焚感消禍 太白辟兵 鎮星四據 家園利亨

名刊玉簡 字錄帝房 乘風散景 飛騰太空

出入冥无 遊宴十方 五雲浮蓋 招神攝風

役使萬靈 上衛仙翁 和與道合具

請稱法位

具位某謹焚香上啓

天符帝帥歲分王神五瘟氣候行化威靈天

瘟地瘟山瘟家瘟神君并瘟電瘟陽瘟陰瘟

神君五瘟部從隊伍神衆天曹主執五瘟神

衆嶽府主執五瘟神衆當境主執五瘟神衆

今年某季準天教令行災主病一切神明本

府本縣城隍主者遠近廟貌權衡禍福聖衆

虛空鑒察看望隨喜聖衆伏聞元始闢圖扇

眞風於九軌虛皇撫運宏化日於三靈澄清

宇宙之秋氛辟斥蒙瀛之故蒸寒暑燥濕醜

人事之乖常風雨晦明移天時之示變致令

行於地癘而候應於天瘟匪賴矜原曷臻康

泰今齋主某拊躬三省勸志九思瘡疾連朝

醫未臻於聖藥沈痾彌日卜莫際於神著惟

九土之網維屬五方之主宰敢陳禱祭庸輅

吁期伏望月駟飄 肅前驅而莅止雲駘迅

邁戒後從以來遊不道方寸之私式副再三

之禱其不勝祈望激切之至謹當奉請

請聖 初獻

非謹焚香上啓

五瘟神祇列部眞宰及當境內外一切威靈

伏聞上聖垂慈昭錫養生之訣下愚後德仰

敷保命之方維黔黎疾辦於三因而恭昊仁

同於一視若稽地變彝考天常八節四時有

鬱發之起伏五運六炁兆勝復之循環女曹

密總其樞機丹局潛握其政今周行五部巡

遊八區惟業氛蘊結於身家故戾炁扇延於